

Dissertationem medicam inauguralem de aponia / ... submittit Christianus Bilhoch.

Contributors

Bilhoch, Christian.
Crause, Rudolf Wilhelm, 1642-1718.
Universität Jena.

Publication/Creation

Jenae : Literis Krebsianis, [1702]

Persistent URL

<https://wellcomecollection.org/works/cheykv9k>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

49
Summo adfite Numine,

RECTORE ACADEMIÆ MAGNIFICENTISSIMO,
SERENISSIMO PRINCIPE JUVVENTVTIS, AC DV-
CATVS ISENACENSIS HEREDE,

DN. GVILIELMO HENRICO,

DVCE SAXONIÆ, IVLIAE, CLIVIAE, MONTIVM,
ANGARIAE ET GVESTVALIAE, &c.

Consentiente Illustri, Gratiofoque Medicorum Collegio
in Inclyta ad Salam Academia,

SVB PRÆSIDIO

RVDOLPHI WILHELMI CRAVSII,

HEREDITARII in Mellingen /

PHIL. ET MED. DOCT. PRACT. ET CHIM.

PROF. PVBL. ORDIN. FACVLT. MED. SENIORIS
SPECTABILIS, & ACADEM. N.C.

COLLEGÆ,

Præceptoris, Patroni ac Promotoris sui æviternum venerandi,

HANO

DISSERTATIONEM MEDICAM INAVGVRALEM

DE

APHONIA,

PRO LICENTIA

Summos in Medicina Honores, Privilegia & Insignia, DOCTO-
RALIA solenniter ac legitime consequendi,

Publico Philiatorum Examine submitte

CHRISTIANVS BILHOCH, Magdeburgensis Saxo,
Præcticus Regiomontanus.

In Auditorio Majori

horis ante & pomeridianis

Ad diem Septembr. Anno M D CCII.

JENÆ, Literis KREBSIANIS.



Σὺν τῷ θεῷ.

PROOEMIUM.

SI quæ, post divinæ legis transgressionem, hominem oppressit calamitas, si quis violatum illud fœdus excepit morbus, vindex, sanè APHONIA est; atrox ille, dirus & stupendus affectus, qui haud rarò derepentè hominibus obrepit, & plerumque gravissimorum aliorum morborum, v. g. cari, apoplexiæ, item epilepsiæ vel prodromus est, vel comes, vel successor; interdum ad aliquos vel dies, vel menses, vid. *Nicol. Tulp. obs. 4.* aut annos, quandoque etiam ad mortem usque contumacissimè permanens; interdum verò aliquandiu intermittens, & de subito repetens.

Sicuti autem, DEO propitio adjuvante, haut paucos hujusmodi affectu laborantes in Praxi mea adhuc feliciter curare obtigit, ita, jussus à Gratiōsa Facultate Medicâ SPECIMEN aliquod INAVGVRALE sistere, in APHONIÆ naturam & curam, pro brevissimo mihi ad hæc, & ad hîc subsistendum concessō tempore, inquirere ratum duxi.

DEVS cæptis clementer annuat! Tu verò, benevole Lector, omnia æqui bonique consule.

CAPVT I.

Definitionem nominalem & realem tradit.



APHONIA vox Græcorum agnoscens incubula, prognata est ex $\Phi\omega\nu\eta$ vox, & α privativo, unde vi nominis *aphonia* idem est ac *privatio vocis*.

Quanquam verò tam Græcum nomen $\Phi\omega\nu\eta$, (sic secundum aliquos dictum, quod sit $\Phi\omega\varsigma$ & $\nu\epsilon$, lumen mentis, ideò, quod, ut *Galenus* l. 16. de usu part. c. 3. ait, conceptuum, sive cogitationum mentis nuncia sit, easque ita revelet, quemadmodum lumen revelare solet ea, quæ in tenebris delituerant;) quàm ipsa dictio vocis partim in *Sacro Codice*, partim etiam apud *Dialecticos*, *Oratores*, *Poetas*, *Grammaticos* & *Physicos* varia fortiatur significata, in quibus recensendis tempore parcemus; *Medici* tamen, quia de solo homine, eoque vel sano conservando, vel ægro in pristinum sanitatis statum integrum, quantum possibile est, restituendo, agunt, solam hominis vocem articulatam, sive sermonem plerumque hîc solent intelligere. Hinc *Christianus Langius* in animadversionibus ad *Petri Fabri* pathol. animat. cap. 14. pag. 156. dicit: cum sermo plane deficit, & loquela penitus amissa est, $\alpha\Phi\omega\nu\iota\alpha$ dicitur, & $\kappa\acute{\omega}\beta\omega\nu\tau\iota\varsigma$ mutitas.

Synonyma invenimus varia; *Latinis* vocatur mutitas, obmutescencia, it. vocis, sermonis aut loquela interceptio, amissio, defectus, nonnullis linguæ ligatio & paralyxis. Græci vocant $\alpha\lambda\alpha\lambda\iota\alpha\nu$. *Paulus Zachias* quest. med. legal. lib. 2. tit. 3. quest. 8. p. 502. $\alpha\nu\alpha\upsilon\delta\iota\alpha\nu$ & $\alpha\Phi\omega\nu\iota\alpha\nu$ vocat, cum hâc tamen distinctione, quod $\alpha\nu\alpha\upsilon\delta\iota\alpha$ sit, in quâ solus sermo, $\alpha\Phi\omega\nu\iota\alpha$ verò

verò, in qua etiam ipsa vox omni ex parte perit. Imò ipse Hippocrates ἀναυδία & ἀφωρία aliquando diversam censet. Sic enim in Thasio Pythione dicit, ἀναυδία & ἀφωρία, non loquebatur & sine voce erat, de quo legi meretur Jacob Holterius comment. in lib. coac. Hippocr. p. 2. Germani dicunt, die Sprachlosigkeit: Die Sprache ist ihm entfallen: Er ist stumm; Hat die Sprach verlohren; Kan nicht reden.

Quoad Homonymiam, videmus quidem carum & apoplexiam à Sennerto, ab aliis etiam coma aphoniam vocari, cum in dictis affectibus sermo intercipiatur; usitate tamen Aphonia medicis sumitur pro interceptione sermonis, quæ etiam extra dictos affectus, varias ob causas contingere potest. Quemadmodum etiam Hippocratem nomen ἀφωρία haut rarò in hoc significato sumfisse cuilibet, ipsius scripta accuratiùs perpendenti, patet.

Describimus igitur APHONIAM, quod sit omni-moda sermonis, sive vocis articulatae interceptio, & quidem vel temporaria, vel perpetua, à vitio lingvæ & instrumentorum menti ad sermonem, & vocem articulatam formandam intervientium, orta.

CAPVT II

De Subiecto Aphoniæ.

Discrepantes invenimus Autores circa vocis organa, statuenda, & Aphonia subiectum determinandum. Alii solam linguam, alii glottidem, alii fistulam cum glottide, alii cristas vel eminentias arytenoidum, alii aliud organum hîc primariò læsum volunt; Nos cum brevitatis studeamus, prolixitatem evitaturi, distinguimus inter vocem hominis simpliciter, in se, & indeterminate spectatam, & inter illam, quæ ad aliquem mentis conceptum ex-

primendum articulando formatur, atque ideo *vox articulata*, item *sermo*, aut *loquela* dicitur.

Sicuti nempe hæc inter se differunt, ita aliud quoque est *lesio vocis simpliciter*, & *in se spectata*, ac *indeterminata*, sive *soni*, aliud verò *lesio vocis articulata*, sive *soni aliquid determinantis*, hoc est, *sermonis ac loquela*; Non enim sermonis defectus aut cessatio statim vocis quoque & soni ablationem, seu privationem secum importat: Id quod vel ex sola illa historia de Rege quodam, qui triginta infantes in locum solitarium inclusit, ut resciret, quânam lingua, si adoleverint, sint usuri, patet, de quâ legi potest *Sennert. Instit. Med. l. 2. part. 3. sect. 2. c. 3. p. 514.* Ad vocem multa, ad sermonem verò, sive vocem articulatam, præter isti, etiam alia plura huic specialiter inservientia requiruntur organa; quamdiu aer ex pulmonibus per asperam arteriam fistulam elisus, intra laryngis & faucium cancellos læditur, *Vox* tantum lædi dicitur, ubi verò ad linguam, dentes & palatum egressa vox, tunc in literas, syllabas & verba, conceptum mentis exprimentia, (qui sonus propriè sermo, seu loquela vocatur,) non articulatur, tunc *sermo læsus* dicitur.

Cum igitur *Lingua* inter sermonis, seu locutionis organa ad vocem articulandam, extra omnem controversiam, principatum obtineat, dum naturaliter, quo ad omnia constituta, mobilissimâ suâ agilitate, & volubilitate velocissimâ aerem soniferum vibrando figurat, flectit, frangit, allidit, refringit, extrudit, & variè dirigit, ut vocis & soni differentias, literas, syllabas, & vocabula concinnè formet, proferat, sicque conceptus mentis decenter exprimat, ideò ipsam in Aphonia, seu defectu sermonis primarium subiectum læsum esse censemus.


MINVS Principale APHONIAE, ad vocem tamen, sive aerem sonorum, (utpote ex cujus articulatione demum, tanquam ex materiali quodam sermo formatur, & enascitur, & sine qua locutio fieri nequit,) subiectum necessarium sunt reliqua, tum ad respirationem & vocem edendam,

dam, tùm linguæ in articulatione vocis, infervientia organa, à *quarum variante dispositione*, differentia quoque *sonora*, vel *minus sonora vocis & sermonis* dependent.

In enumerandis illis utramque paginam explere possemus facilè, sed, cum tempus nos de brevitate moneat, nominare saltim sufficiat dentes, labia, fauces, uvulam, glottidem, musculos, nervos, imprimis recurrentes, aliis vocales dictos, item pulmones & asperam arteriam, de cæteris huc spectantibus evolvi possunt libri Anatomicorum, quorum elegantissimorum hodie farraginem spectare licet; In compendio (quasi deipotissimis exquisitè agit Excelentissimus D. W E D E L I V S, Medicus famigeratissimus, Dominus, Fautor, Præceptor & Patronus meus, nunquam sine honoris præfamine nominandus, in *Physiol. Medic.* p. 320.

CAPUT III.

De Causis.

 *Ause* cognitio in curatione oppidò necessaria est; Nisi enim sublata penitus fuerit, morbus tolli perfectè non potest, sed, aut resistit, & perseverat, pertinacissime, aut, licet interdum cessasse simulet, delitescit tamen saltim, ut angvis sub herba, emergens, cum occasione iterum acceperit, unde *recidiva* haut rara sunt.

Causa Aphoniæ Immediata quærenda est in *linguæ constitutione morbosa*. Cum enim sermo sit *actio mentis*, conceptus suos exprimentis; *Mens* autem, quamdiu corpori immersa est, *organis opus* habeat, &, nisi hæc apta, debitè formata, ac disposita fuerint, aut planè nihil, aut nihil rectè agere possit; ipsius verò ad *actionem locutionis dicatum* & aptissimum *instrumentum sit lingua*, quâ bene, quoad omnia requisita,

fit, tam ratione temperiei, quam conformationis, aliorumque necessariorum constitutâ, recte operari, & actionem loquendi exercere potest, minus autem naturaliter, constitutâ, *sermo* vel *imminuitur* vel *depravatur*, vel *aboletur*; Hinc apparet, sicuti subjectum in aponia primario læsum lingua est; ita *constitutionem* ipsius *praternaturalem* causam aponiæ *immediatam* esse.

Quemadmodum verò lingua, dum aërem sonorum, seu vocem in literas, syllabas, & verba, conceptum mentis debite exprimentia flectit & articulat, *motu* mire agili, imò velocissimo id peragit, eoque opus habet, ut vibrando, flectendo, frangendoque *aërem*, eumque ad dentes & fauces agiliter allidendo, prætereà ut variè *se* & *annexas alias*, ad vocem edendam spectantes *partes*, inprimis glottidem cum rimula diversimode contrahendo, constringendo, aut dilatando sonum rectè, &, prout ad quamlibet syllabam formandam requiritur, dirigat; ad hæc autem *aliis* quoque *necessariis adiutoriis* partibus & organis opus habet; ita nunc meritò inquirendum est, in quo *constitutio naturalis lingue loquentis* consistat, ut, sicut contraria juxta se posita magis elucescunt; ita quoque, ubi *constitutio lingue præternaturalis* in aponia quærenda sit, magis pateat.

Nimirum ut lingua, tanquam *instrumentum mentis*, ad sermonem seu vocem articulatam producendam benè constituta sit, requiritur potissimum (1.) ut ipsa benè & debite conformata sit, tum à nativitate, tum post eam; Si enim vel nimis brevis, vel longior, vel spissior, aut, aliàs malè figurata fuerit, de quibus legi possunt Sennertus, Schenckius, Claudinus, Platerus & alii; vel etiam planè, aut saltim ex parte, magnâ tamen, deficiat, cujus exemplum vide apud Paræum, aut amputata sit ex subpicio, vel casu alio, v. gr. in convulsionibus epilepticis dentibus præmorfa, sermo manifestè læditur & impeditur, (2.) ut muscutorum lingue, laryngis, glottidis, item faucium, aliorumque, partim ad *respirandum*, partim ad *vocem edendam*.

edendam, articulandam, & in verba, ac sermonem formandum organorum conformatio bona adsit. (3) *Requiritur aër, fibras debite vigorans, vocique materiale suum necessarium debite suggerens.* (4) *via, per quas aër, sanguis, saliva & spiritus ad partes voci, & imprimis sermoni inservientes affluere debent, sint liberæ, sufficienter patulæ, & in debito suo tono constitutæ, ne transfluentibus transitus vel denegetur, vel intercipiatur, aut vitietur* (5) *sanguinis & saliva naturaliter & legitime se habentis adsit sufficiens, nec nimius, nec deficiens affluxus,* (6) *Spiritus, mentis proximum organum, sufficienter adsint.* (6) *Mensq; sit libera, & sibi relicta, non abalienata.*

Ex hisce nunc colligere licet, partim in quibus *præternaturalis lingua constitutio*, unde aphonia oriri potest, consistat, partim unde *cause*, constitutionem naturalem invertentes, & præternaturalem inducentes, tanquam aphonix *cause mediata*, (quarum alix proximiores, alix remotiores sunt,) originem suam sumere queant.

Nimirum ante omnia respiciendum est ad ipsam *linguam*, an ibi aliquid præternaturale deprehendatur, hinc examinandæ quoque & inspiciendæ sunt quæ ad ipsius *motum*, item *ad respirationem* faciunt partes, an nempe ob spasmus, (siquidem aphonia motus convulsivos plerumque comitatur, teste Hipp. qui etiam Aphonias cum singultu pessimas pronunciat;) aut Paralyfin, inflammationem, tumorem, vulnus, aut simile quid aphonia obtingat. Nam organis ad respirationem necessariis vario morborum genere afflictis, & obsessis, vox necessariò læditur, quia aër, tanquam materiale vocis, tunc vel deficit, vel in sonum articulatum & sermonem aut plane non, aut minus recte formari potest. Sic de aphonia ex faucium inflammatione orta, memoratu dignum refert exemplum *Bonetus Sepulch. l. 1. sect. 22. obs. 6. p. 370.* inveniuntur quoque apud autores varix observationes, & observavimus nos ipsi, ubi pectoris cavitatem sanguinis, aut alius humoris, etiam puris copia imple-

vit, ut neque pulmones sufficienter expandi, neque se complicare recte possint, diaphragma quoque se liberè movere nequeat, sermonis prolationem valdè lædi. Vbi pulmones ipsi sanguine repleti, aut planè corrofi, aut corrupti sunt, loquela adeò læditur, ut etiam aliqui phthificorum vix verbum ante obitum proferre posse visi fuerint.

Non minus *aspera arteria*, unà cum *larynge*, ipsiusque *musculis* & *cartilaginibus*, *glottide* ac *epiglottide* inspicere debent, & explorari, an hæ partes præternaturaliter constriktæ, vel obstructæ, vulneratæ, aut alio modo præternaturaliter affectæ sint. Sic nota sunt exempla eorum, qui ob nucleorum, uvarum, muscarum, micæ panis, spinarum, potus, variorumque eduliorum illapsum in asperam arteriam, ne vocem quidem, multo minus verbum proferre potuerunt. Bolus major deglutiendus, ubi in œsophagi medio subsistit, asperamque arteriam comprimit, quia aëri transitum præcludit, vocem & sermonem intercipit: Exempla vide apud *Forestum l. 15. observ. 28.* idem autor *observ. 30.* observavit, suffocationis periculum in puero, ex errore aquam fortem hauriente, quæ ipsi fauces ita constrinxerat, ut respiratio, vox & sermo defecerint.

Respiciendum quoque est ad *Salivam*, cujus *humido* Lingua opus habet ad debitè se & agiliter movendum, quam ob causam etiam tot glandulis, tanquam fontibus illa undique circumdata est, ex quibus per certos & copiosos rivulos saliva perpetuò adfluere potest & debet. *Ariditas* enim faucium & linguæ sermonem valdè impedit, exemplo febribus acutis, & anginâ laborantium. Fiunt enim tunc fibræ linguæ rigidæ, ad motum, atque sic ad vocem articulandam ineptæ. Si lingua nimium exsiccet, & induretur, atque tunc sufficienter volutari nequit, defectus loquellæ oritur, ait *Platerus. Prax. med. tom. 1. l. 2. c. 4. p. 358.*

In quantum *nimius Salivæ affluxus* loquelam impediat testantur inter alios Mercuriali salivatione utentes, quamvis tunc etiam alia simul impedimenta lingua inveniat.

Præ

Præ reliquis respiciendum est ad NERVOS, imprimis recurrentes, & Spiritus, an nempe illi vel discissi, vel compressi, contorti, aut obstructi fuerint, & inde horum, nempe spirituum motricium influxus impediatur, ac denegetur. Hôc enim factô motus linguæ ad sermonem maxime necessarius deficit. A dissectis nervis recurrentibus aphoniam oriri posse, observavit suo tempore *Galenus l. de loc. affect. & Amatus Lusitanus lib. 3. c. 2.* Amittunt quoque canes vocem, si dicti nervi vel dissecti, vel ligati fuerint.

Ex lapsu ab alto & diffracto cranio, aut luxatione, cervicis vertebrarum aphoniam ortam varia testantur exempla, & nos quoque id observavimus, *Hippocrates s. 7. aphorif. 58.* item de *Morb. sect. 1. aph. 58.* dicit. Quibus aliqua ex parte cerebrum fuerit vehementer concussum, ἀνάγνη ἀφώνος γίνεται. De juvene muto, qui per 7. dies ex vulnere capitis, cum ex alto decidisset, neque resolutionem, neque convulsionem habuit, sed surdus mansit, & decimâ quartâ die vocem & auditum recuperavit, legi potest *Panorolus obs. med. pentecost. 2. obs. 30. p. 96.* idem autor recenset ibidem ex *Valeriolæ l. 5. obs. 9.* quod quidem futor Avenione in capite gravi vulnere percussus, resolutione simul & convulsione post septimam diem correptus, & sine voce mutus totos dies septem manserit: Sic fuste crassiori in caput percussus, & alium, cui tegula ex tecto decidens caput valdè læserat, per magnum temporis spatium obmutuisse vidimus.

Si spiritus animales vel deficiunt, vel turbantur, aut aliorum distrahuntur, ita, ut recto & consueto naturali tramite nervos recurrentes influere non possint, obmutescencia frequenter oritur. Sunt nempe spiritus ipsa mentis quasi manus, quâ organa, quæ aliàs merè passivè se habent, in actionibus exercendis reguntur & diriguntur; Igitur, quando in lingua deficiunt, ipsa planè invalida est, etiam ad verbulum proferendum. Sic in paralyfi & semiparalyfi loquela deficit, hujusque defectus haut rarò apoplexiæ prodromus est.

Observamus quoque in pavore & terrore nimio obmutescentiam, quamvis non semper diu duret. Forestus *l. 10. obs. 70. p. 413.* affirmat se multos conspexisse tam viros, quam mulieres ex irâ vehementiori & animi percussione in aphoniam, epilepsiam & apoplexiam incidentes. Curavi hominem, qui ob spectrum in monasterio devastato visum, terrore percussus aphonus factus erat, & Hamburgi virginem, quæ ob exortum incendium repentinum nimium perterrefacta omnimodam vocis & loquelæ suppressionem patiebatur. Et jam Regiomonti mulier quædam à marito suo in nosocomium detrusa, quæ, ut fertur, ex veneficio muta facta est, meum auxilium flagranter expectat.

Mentem ab alienatam, inque variis imaginationibus occupatam aliquando obmutescentiam inducere, suo exemplo docent Melancholici, qui sæpè obstinatissime obmutescunt.

Sicuti porro sanguinis soboles sunt serum, lympa, saliva & spiritus; ita in Massæ sanguineæ læsâ constitutione sæpè fundata est aphonia, si scilicet vel quantitate, vel qualitate aut motu peccet. Etenim si v. g. fauces in angina ob infarctum humorum nimis tument, aut etiam venæ sanguine turgent & refertæ sunt, respiratio, vox & sermo lædi debent. Humores crassi, pituitosi ad motum inepti, & ad *σύνου* proni, it. falsi, acres, corrosivi, similisque sortis, stagnationes, inflammationes, corrosiones, tumores, variaque alia aphoniam causantia generant. Humorem atrabilarium interceptientem venas, vocalibus instrumentis dicatas, parere obmutescentiam, ab apoplexiâ sejunctam, ait Jul. Mylius arcan. oper. naturæ *l. 2. sect. 10. p. 306.* Motum sanguinis læsum aphonix causam est indicat etiam Hippocr. de vict. acut. text. 37. dicens: ut aliquis derepente voce privatus fiat, venarum interceptiones faciunt.

Ulterius, quemadmodum aër & alimenta in massæ sanguineæ & spirituum bonâ temperie conservandâ multum profunt, quia aër partim magnam molem corporeitatis

tis spirituum constituit, partim sine eo nulla fermentatio & circulatio fieri potest ; Ex alimentis quoque tum sanguis, tum spiritus ortum ducunt, quam ob rem dici solet: qualis cibus, talis chylus, qualis chylus, talis sanguis, qualis sanguis, talis spiritus, qualis spiritus, tale temperamentum, talisque sanitas; ita manifestum est, aërem & alimenta in aphoniam productione valde esse efficacia. Hinc si aër nimis gelidus, aut fervidus fuerit, aut pluviosus, nebulosus ad catarrhos disponens, aut extraneis qualitatibus, vaporibus, exhalationibus v. g. sulphureis, narcoticis aut venenatis inquinatus, facile, sicut apoplexiam, epilepsiam, affectus uterinos & suffocationem, ita & aphoniam inducere potest. De noxis summi carbonum tam ligneorum, quam fossilium bituminosorum, it. exhalationum calcis vivæ, & tri vivi & sublimati passim apud auctores observationes inveniuntur.

Constare etiam ex hæcenus dictis potest, quid de reliquis ex senario rerum non naturalium, si abusus in excessu vel defectu contingit, in producendâ aphoniam sperandum sit. Sicuti quoque noti, & tenus hæc à nobis sæpius nominati sunt morbi, quos aphoniam non solum præcedit, sed etiam comitatur & sequitur.

Inter res supra naturales DEI justum judicium primario nominamus, qui interdum perjuriam aphoniam punivit. *Camerarius oper. subciv. cent. 1.* refert exemplum muti cujusdam ex matre pejerante, & hanc poenam sibi, cum gravida esset, imprecante, nati. Notum etiam est ex actis Apostolorum *cap. 5.* cur Ananias cum uxore perierint. Quod Dæmon, & qui ipsi ad manus præsto sunt aphoniam per fascinum inferre possint experientia tam aliena quam propria testatur.

CAPVT IV.

De Differentiis.

Ratione generis alia fit per idiopathiam, alia per sympathiam ex hypochondriis, utero &c. alia cum, alia sine vocis amissione.

Ratione temporis alia est recens, alia inveterata, alia à nativitate, alia accidit in ætate puerili, juvenili, it. virili, aut senili, atque durat vel ad horas, vel ad dies, aut menses aliquot, alia ad multos annos, it. ad mortem usque, alia, periodica est.

Ratione *causarum*, alia fit à linguæ, alia ab illi in loquendo, alia à voci inservientium partium pravâ constitutione, aliâ à nervorum aut muscutorum læsione, alia à spirituum defectu, alia ex cæteris supra dictis causis.

Ratione *adjunctorum*, alia est solitaria, & extra alios morbos contingit, alia verò vel præcedit, vel comitarur, vel sequitur morbos, v. g. apoplexiam, coma, catochencaram, lethargum, epilepsiam, aliosque motus spasmodicos, it. passionem hystericam, syncopen, catarrhum suffocativum, colicam, vermes in intestinis &c.

Datur etiam aponia *simulata* & *affectata*, quidpe se haut rarò mutos simulant impii quidam illorum, qui ostiatim stipem quærunt. Vid. *Sylvaticus in de morbum simulantibus.*

CAPVT V.

De Signis.

DE Signis *Diagnosticis* aphonix non opus est proluxè agere, modò ea non sit affectata, siquidem ea, vel ex autopsiâ, vel ex relatione adstantium satis patent, *Immi.*

Imminentem plerumque præcedit animi & corporis infvetus langvor, capitis & lingvæ gravitas, cephalalgia, vertigo, insolens sensuum omnium mentisque conturbatio, artuum lassitudo & gravitas, lingvæ motus difficilis &c. Vid *Hippocr. de victu acutorum text. 37. p. 299.*

Inquirendum potius est *in causas* aphonix, quæ in capite de causis ex parte adductæ sunt, an eæ adsint, aut etiam aliæ, quæ apud autores inveniuntur. Sermonis privatio cum sola adfuerit, illasâ voce, causa quærenda est primariò in instrumentis isti inservientibus; Si verò vox simul deest, ad vocem quoque spectantia organa patiuntur. Si dolor vehemens capitis adfuerit, aut motus & sensus laxi sunt, in cerebro & nervoso genere causa investiganda est.

Prognostica signa varia apud autores leguntur. Qui à nativitate muti sunt, quandoque, raro tamen curantur. Quibus nervi recurrentes dissecti sunt, quia vox perit, loquela etiam aufertur, nec restitui posse existimantur. Ex cranii læsione orta aphonía sæpe feliciter curata fuit. Recens facta non adeò, cæteris paribus, curatu difficilis, siquidem, auxiliante DEO, aliquos feliciter restitui. Inveterata difficulter curatur, eamque ad Lunæ motum incrementa sumere & ingravescere observavi. Idiopathica ex mente *Hippocr. Coac. Prædict. c. 77.* diuturnis morbis annumerari potest. Idem *Hippocrates* mutitates in febre acuta cum exsolutione non sudanti quidem lethales, exsudanti autem minus lethales, sed diuturnitatem significare dicit, ait *Petrus Franciscus Pbrvgius commentar. in histor. epidemic. Hippocr. part. 3. agrot. 3. p. 407.* monet, sciendum esse hoc symptoma esse lethale cum sudore, & sine sudore, id est, αὐχμήν cum exsolutione, quia omnes affectiones in summo virium langvore morte finiuntur. Qui ex rigore perfrigescent, caput collumque dolent, muti fiunt, leviter exsudant, si edito Spiritu singultuoso moriuntur, ait *Hippocr. Coac. prædict. 1.*

Observatum quoque est, si pravi humores aphoniam causantes per ~~per~~ aliorum translati fuerint, v. g. in cutis

cutis scabiem lepræ haut abfimilem, eam curatam fuisse.
Aphonia resolutionem & dissipationem spirituum sequens, in
morbis pessimum, mortisque signum est.

CAPVT VI.

De Curatione.



Ognitâ aphoniæ natura, subjecto & causis, ad ipsius
Curationem gradum acceleramus, quæ, ut ubique,
ita etiam hîc secundum legitimam *medendi metbo-*
dum, hoc est, secundum certas *indicationes* instituenda est:
Nimirum *Curatoriam*, *preservatoriam*, *vitalem* & *symptoma-*
ticam.

In *curatoria* inquirenda est causa continens & imme-
diata, ut hâc sublatâ morbus tollatur, & ne redeat, præca-
veatur. In *preservatoria* causarum non tantum antecedenti-
um habenda est ratio, sed ne occasionales quoq; admittan-
tur, ut disponant, aut antecedentem dispositionem, ut in
morbum erumpat, excitent, præcavendum est. In *vitali* vi-
res præsentis conservandæ, subpressæ liberandæ, & erigen-
dæ, deficientes restaurandæ & augendæ, & ubique ut con-
serventur omni modo prospiciendum est. Si quoque *sym-*
ptomata urgentia adcedant, eorum etiam ratio habenda est.

Indicata, sive *materia auxiliorum* & *remediorum* desumun-
tur ex *triplici* sic dicto fonte, *Chirurgico*, *Pharmaceutico* &
Diatetico.

Chirurgia, si quid ad linguæ, partiumque ad loquelam
ac vocem facientium pravam constitutionem corrigendam,
auferendam &c. conferre potest, aut v. g. frænum sub lin-
gua solvit, ranulam tollit, aut vulnera asperæ arteriæ, uvulæ,
faucium, linguæ, consolidat, si quid gutturi illapsum est,
extrahit, & ut omnia dextrè fiant, & adhibeantur *docet*, in-
simul apta *instrumenta* atque *auxilia* suggerit. Si cranium
vel

vel fractum, vel luxatio vertebrarum cervicis adfuerit, fugerit tam *instrumenta*, quibus cranium, si non apertum, aperiri, frustra extrahi, subsidens & depressum elevari & sanguis extravasatus, aut purulenta materia evacuari potest. quàm *emplastra*, & alia auxilia, quæ deinde omnia prudentiâ Medici & chirurgi, ægri curam gerentium diriguntur, & applicantur. Linguam etiam quoad *conformationem* ratione *magnitudinis* læsam à peritis Chirurgis ad debitam formam redigi posse, vid. *Eph. Germ. Decur. 2. an. 2. obs. 51.*

Depromit quoq; chirurgia *sanguinis missionem*, quæ non tantum in Aphoniâ ex plurimis superius recensitis casibus oriundâ, sed etiam anginam, apoplexiam &c. comitante præsentissimum præstat auxilium. Ipse divinus Hippocrates medicinæ stator & formator eam in aphonia tanquam præsentissimum auxilium commendat, dicens *lib. de victu acutorum text. 37. p. 299.* ut aliquis derepente voce privatus fiat, venarum interceptiones faciunt, si sano hoc contingat absque manifesta, aut alia forti causa. Venam igitur secare oportet in brachio dextro internam, & sanguinem detrahare, juxta habitum ac ætatem rationem ineundo, an plus, aut minus oporteat. Quam suam sententiam alibi iisdem ferè verbis confirmat. *Celsus l. 3. c. 23.* observavit, si post sanguinis missionem non redit sermo, nil spei superesse. In talibus ergò ab Hippocrate indigitatis casibus, ac, ubi sanguis abundans in causa est, viresque, ætas, & sexus nihil contrà indicant, venæsectio institui potest, in iis locis quæ judicium practicum medici commodissima autumat, & repetitis potius, quàm unâ vice copia sanguinis emittenda est.

Conveniunt præterea, si indicentur *cucurbitule scarificatae*; Non scarificata in revellendo egregiè profunt. *Cauteria actualia & potentialia* in nuchâ & vertice adhibita, it. *setacea & vesicatoria* suo non carent usu. Sicuti nec *frictiones* contemnendæ, factæ panno asperiori, quo collum, dorsum, scapulæ, nucha pro diversis casibus fricantur.

Fonticuli præservatoriè magis quàm curativè profunt, egregium tamen usum habent, ac vel in uno, vel ambobus brachiis, vel etiam in sura fieri possunt, ad derivandos & revellendos humores, prout exigentia requirit.

Fons *pharmaceuticus* varias suppeditat materias medicas, ex quibus pro varietate indicantium variæ medicamentorum formulæ pro cujusque lubitu concinnari possunt, tam *curationis*, quàm *præservationis* gratia.

Prout ægri & morbi status permittit, possunt initio præscribi tam *humores* evacuandos, quàm *vias*, per quas evacuari debent, præparantia, digestiva & laxantia, hinc purgantia ore assumenda, modo assumi queant, quæ ideo in liquidâ forma censentur comòdiora & tutiora; si verò deglutitio læsa fuerit, & per os nihil assumi possit, conveniunt *enemata fortiora & acriora*, quibus cephalica specifica, ut & aliis omnibus hoc in passu admiscere soleo, ut eò citius & exoptatius operationes suas perficiant, & naturam in eliminando juvent; quemadmodum nec *suppositoriorum* contemnenda est efficacia. Hæc enim gutturi inferiori infusa & indita materiam peccantem, & ad superiora vergentem feliciter cum successu, teste *Sennerto, Foresto*, & experienciâ educunt & quasi retrahunt.

Laudati autores, ut & alii commendant quoque *emitoria*, tanquam remedia, quibus haut rarò unica vice mali causa tolli potuerit. Et sanè vix satis laudari possunt, modo cum cautione, quâ summâ hîc opus est, adhibeantur, etiam in aphonìa apoplexiam comitante, imprimis si *pituitosus humor* circa præcordia stagnet, & mali causa sit. Non enim hoc modo solum cruditates expurgantur, sanguis & spiritus in motum concitantur, & ex sopore quasi excitantur, ut expergefacti ad munus suum redeant, sed & calor corpori quasi semimortuo restituitur. Inter cætera laudantur ꝑ vitæ ad gr. v. vj. cum aq. salviæ, aut rosmarini, aut ꝑ emeticus ad aliquot grana exhibitus. Sunt, qui cro-
cum

cum metallorum ad gr. iij exhibent, sed, si nullibi, certè hîc ingeniosis cautelis opus est.

Diaphoretica suo modo locum habere possunt, & à quibusdam summis viris, ubi opus est, in auxilium vocantur, quia radices mali sæpe nimis infixas evellere solent, vid. *Hartmann. Prax. & Sennert. in instit.*

Sternutatoria debito tempore, it. *maslicatoria* non o-mittenda, quia spiritus egregiè excitant. Nolo autem in formulis præscribendis, aut materiis his medicis recensendis prolixus esse, partim quia domum revocor, partim, quia variantibus conditionibus, symptomatibus & circumstan-tiis, it. subjectis, variat ipsa curatio.

Corroborantia, cephalica, & nervina ubique tam internè, quàm externè adhibenda, & admiscenda, ut spiritus restitu-antur, excitentur, augeantur, & conserventur. *Externe* quo-que linguæ, palato, naribus, temporibus, nuchæ, vertici, pulsibus, cordis regioni inungi possunt appropriata ce-phalica & nervina, aquæ, spiritus, olea, balsama, essentia & similia. Rosmarinum, lavendulam, salviam, majoranam, lilium convallium, castoreum præ aliis comendo, ex quibus aquæ, spiritus, essentia, olea & similia confici possunt, & cum fructu applicari.

Atque sic, si æger modò ex præscripto medici vivat, adstantes suum officium debite faciant, & in diætâ medio-critas ubique observetur, spes est, auxiliante J E S V, qui omnia benè fecit, surdis auditum, mutis loque-lam restituit, & adhuc restituere potest, ἀφ' οὗτος resti-tutos mecum sonorâ voce dicturos esse,

D E O

fit

LAVS, HONOR & GLORIA

in

ÆTERNVM!

1275. NO. 10. 3. 1871.